

## Reglur um námsstyrki til starfsmanna Bolungarvíkurkaupstaðar

1. Allir starfsmenn Bolungarvíkurkaupstaðar eiga þess kost að sækja um námsstyrk vegna styttri námskeiða eða lengra náms samhliða starfi. Markmiðið er að auka færni einstaklinga í starfi og/eða auka möguleika þeirra á að taka að sér önnur störf fyrir bæjarfélagið. Styrkur getur aldrei numið hærri upphæð en eftir stendur af kostnaði þegar tekið hefur verið tillit til annarra framlaga eða styrkja sem umsækjandi á rétt á og nýtur til námsins.
2. Ákvarðanir er varða styttri námskeið og fela í sér kostnað sem talist getur minniháttar eru teknar af yfirmanni hvernar stofnunar fyrir sig í samráði við bæjarstjóra. Ef um er að ræða nám sem tekur yfir lengri tíma og óskað er eftir styrk eða námsleyfi á launum þá fara slíkar umsóknir fyrir bæjarráð sem tekur ákvörðun um afgreiðslu slíkra styrkja.
3. Ef um er að ræða nám sem stendur yfir í eitt ár eða lengur þá skuldbindur viðkomandi starfsmaður sig til að starfa áfram hjá Bolungarvíkurkaupstað, verði eftir því óskað, í allt að tvö ár eftir að námi lýkur.
4. Formið á greiðslu styrksins er samkvæmt samkomulagi á milli styrkþega og bæjarstjóra/fjármálastjóra og getur ýmist verið í einni greiðslu, ef um námskeið er að ræða, eða með reglulegum greiðslum þegar um lengra nám er að ræða. Heimilt er að greiða styrkinn með því að starfsmaður haldi óskertum launum í tiltekinn tíma sem varið er í námið.
5. Styrkþegi sem stundar nám í formlegu skólakerfi getur að hámarki fengið styrk sem jafngildir því að halda launum í samtals fjórar vikur á ári hverju í allt að því þrjú ár, enda krefjist námið þess að viðkomandi sé frá vinnu í a.m.k. jafn langan tíma. Forstöðumenn og styrkþegi skulu koma sér saman um hvernig vinnutíma og fríi vegna náms er hagað með góðum fyrirvara áður en námið hefst. Ávallt skal leitast við að skipuleggja námið með þeim hætti að það komi sem minnst niður á vinnutíma starfsmannsins.
6. Ekki er gert ráð fyrir að starfsmaður sem stundar nám í formlegu skólakerfi geti hlotið styrk til meira en þriggja ára á hverju 10 ára tímabili.
7. Ekki er reiknað með að Bolungarvíkurkaupstaður veiti meira en sem nemur 16 vikna námsleyfi á launum samtals til allra styrkþega á ári hverju. Ekki geta fleiri en tveir starfsmenn hjá hverri stofnun verið á styrk í „lengra námi“ í formlegu skólakerfi í einu.
8. Fjármálastjóri skal halda skrá um þá styrki sem þannig eru veittir og skal útbúa „uppgjörsblað“ fyrir hvern styrkþega. Þá skal fjármálastjóri jafnframt halda skrá um heildarúthlutanir hvers árs sem bæjarráð gefur heimild fyrir.
9. Reglur þessar taka gildi við samþykkt bæjarstjórnar.

Bæjarráð Bolungarvíkur,  
9. nóvember 2010